

RELA penting ke arah wujud semangat muafakat

BARU-BARU ini Dewan Rakyat mengambil keputusan menggugurkan hak anggota RELA untuk membawa senjata api dan membuat tahanan ke atas individu yang disyaki pengganas atau pendatang tanpa izin tanpa surat kebenaran.

Jika diimbaz sejarah penubuhannya, RELA ialah 'Home Guard' atau Pengawal Kampung ditubuhkan bertujuan menjaga keselamatan setempat apabila darurat diisytiharkan pada 1948.

Pasukan Pengawal Kampung dibubarkan selepas darurat tamat pada 31 Julai 1960. Menteri Dalam Negeri, Datuk Seri Hishammuddin Hussein dalam hal ini juga bersetuju RELA mempunyai peranan strategik dan penting (termasuk pemupukan perpaduan kaum).

Kini di negara kita usaha duduk berbincang tampak sukar disebabkan kelainan pendapat, parti dan ideologi.

Semangat kerjasama, hormat-menghormati dan saling tolong-menolong antara satu sama lain itu menjadi pegangan orang dulu dan patut diterapkan dalam diri setiap warga negara ini.

Tugas menjaga keamanan negara tanggungjawab kita bersama sebagai warganya dan bukannya terletak pada bahu pihak polis, tentera mahupun anggota RELA semata-mata.

Rakyat negara ini patut bekerjasama mencari penyelesaian terbaik dengan duduk berbincang dan tidak terburu-buru dalam mengambil keputusan ketika menghadapi sesuatu konflik atau masalah.

Nabi Muhammad SAW contoh terbaik dijadikan ikutan dalam menyelesaikan sesuatu masalah. Walaupun dalam saat genting ketika dalam berperang sekalipun, Baginda sentiasa berbincang dengan sahabat untuk mencari penyelesaian terbaik dan akan menerima pendapat sahabat secara terbuka.

Harus diingat, kestabilan kita nikmati turut menjadi perhatian orang luar dan terbukti dengan lambakan warga asing seperti warga Indonesia, China, Bangladesh dan Nigeria ke negara ini mercalar perasaan selamat yang kita rasai.

Kononnya, mereka datang ke negara ini atas tiket menuntut ilmu dan mencari pekerjaan tetapi sebaliknya lain pula yang berlaku. Banyak kes jenayah membabitkan warga asing seperti pembunuhan, rompakan, pemerdagangan orang dan kes menjadi keldai dadah semakin berleluasa.

NORUSUHADA TAHIR,
Universiti Sains Islam Malaysia
(USIM).